

## Truailliú in abhainn an Chláirín

**Ceist 1** Beidh tú ag féachaint ar ball ar thuirisc faoi thruailliú a rinneadh in abhainn an chláirín in Oirthear na Gaillimhe  
Bí ag obair leis an duine in aice leat.

An bhfuil aon rud ar eolas agaibh faoi abhainn an Chláirín?  
An bhfuil fadhb mhór againn le truailliú in Éirinn, dar libh?

**Ceist 2** Gan féachaint ar an tuairisc go fóill, déanaigí iarracht na téarmaí Gaelige a aimsiú do na téarmaí seo a leanas:

The Western Regional Fisheries Bord \_\_\_\_\_  
Galway County Council \_\_\_\_\_  
Fisheries Act \_\_\_\_\_  
Ennis District Court \_\_\_\_\_  
Correspondent \_\_\_\_\_  
Barrister \_\_\_\_\_  
Treatment \_\_\_\_\_  
Eel \_\_\_\_\_  
Red trout \_\_\_\_\_  
Salmon \_\_\_\_\_

**Ceist 3** Féach ar an tuairisc anois agus scríobh i gcúpla abairt cad é ábhar na míre. Labhair leis an duine in aice leat le feiceáil cad a scríobh sé/sí.  
Bain úsáid as na focail thuas le cuidiú libh.

**Ceist 4**

1. Cén chaoi ar truailíodh an abhainn?
2. Rinneadh dochar don abhainn ó thaobh cén rud de?
3. Cén fáth nár tugadh breithiúnas i 2007?
4. Cén t-acht a sháraigh Comhairle Contae na Gaillimhe?
5. Cé mhéad d'fhíneáil a ghearr an breitheamh ar an gComhairle Contae?
6. Cén fáth gur íoc an Comhairle Contae cúig mhíle euro?
7. Cén post atá ag an Dr Greg Forde?
8. Cén uair is mó dainséar don abhainn?

**Ceist 5** Déan iarracht leagan Gaeilge a aimsiú do na cineálacha seo éisc:

Herring  
Mackerel  
Muscles  
Lobster  
Crab  
Cod  
Whiting

**Ceist 6** Cur na focail *i gcló iodálach* sa bhosca ceart. Tá an chéad ceann déanta duit.

| An t-alt               | An |
|------------------------|----|
| Ainm briathartha       |    |
| Briathar               |    |
| Forainm réamhfhoclach  |    |
| Forainm Pearsanta      |    |
| Réamhfhocal comhshuite |    |
| Réamhfhocal simplí     |    |
| Aidiacht Shealbhach    |    |
| Aidiacht               |    |
| Ainmfhocal             |    |

*de, mo, cliste, an, ag ithe, ar feadh, sí, bord, againn, bris*

Ceartaigh na focail idir lúibíní (más gá) sna habairtí thíos.

1. Dhíol sí an leabhar de (brí) gur theastaigh airgead uaithe.
2. Cá bhfuil mo (cupán)?
3. Nílím pósta, a deir an bhean (cliste)
4. Dún (an fuinneog) sin. Oscail (an doras) thall.
5. Bhí na hoibrithe ag ithe (dinnéar) nuair a tháinig an cigire.
6. Bhí aimsir bhreá againn ar feadh (an seachtain).
7. Tá sí ina (Uachtarán) ar an gcumann.
8. Tá bord (beag) acu sa seomra ach tá leaba (mór) acu.
9. Tá páistí againn ach níl aon pháistí (ag + iad)
10. (Bris +mé) an cleamhnas eadrainn mura mbeinn sásta.

## Treoracha agus Freagraí

**Ceist 1** Iarr ar na foghlaimeoirí plé a dhéanamh ar aon eolas atá acu faoin scéal seo ar dtús.

**Ceist 2** The Western Regional Fisheries Bord: Bord Iascaigh Réigiúnach an Iarthair  
Galway County Council: Comhairle Contae na Gaillimhe  
Fisheries Act: An tAcht Iascaigh  
Ennis District Court: Cúirt Dúiche na hInse  
Correspondent: Comhfhreagraí  
Barrister: Abhcóide  
Treatment: Cóireáil  
Eel: Eascann  
Brown trout: Breac rua/donn  
Salmon: Bradán

**Ceist 3** Caithfidh na foghlaimeoirí achoimre ghairid a scríobh ar ábhar na míre tar éis dóibh éisteacht leis an tuairisc uair amháin. Tabhair seans dóibh an méid a scríobh siad a chur i gcomparáid le chéile.

**Ceist 4**

1. Tháinig sceitheadh ó phlanda cóireála séarachais isteach san abhainn.
2. Rinneadh dochar suntasach don abhainn ó thaobh na hiascaireachta de.
3. Bhí an breitheamh ag iarraidh fanacht go bhfeicfí cén obair chóireála a bheadh déanta ar an bplanda séarachais.
4. Sháraigh Comhairle Contae na Gaillimhe An tAcht Iascaigh.
5. Ghearr breitheamh fineáil ocht gcéad euro ar an gComhairle Contae.
6. D'íoc siad cúig mhíle euro i gcostais teicniúla.
7. Is príomhfheidhmeannach an Bhord Iascaigh é.
8. Nuair atá sé ag leibhéal íseal, is mo contúirt.

**Ceist 5**

|          |            |
|----------|------------|
| Herring  | Scadán     |
| Mackerel | Ronnach    |
| Muscles  | Diúilicíní |
| Lobster  | Gliomach   |
| Crab     | Portán     |
| Cod      | Trosc      |
| Whiting  | Faoitín    |

**Ceist 6**

| <b>An t-alt</b>        | <b>an</b> |
|------------------------|-----------|
| Ainm briathartha       | ag ithe   |
| Briathar               | bris      |
| Forainm réamhfhoclach  | againn    |
| Forainm Pearsanta      | sí        |
| Réamhfhocal comhshuite | ar feadh  |
| Réamhfhocal simplí     | de        |
| Aidiacht Shealbhach    | mo        |
| Aidiacht               | cliste    |
| Ainmfhocal             | bord      |

1. Dhíol sí an leabhar **de bhrí** gur theastaigh airgead uaiti.
2. Cá bhfuil **mo chupán**?
3. Nílím pósta, a deir an bhean chliste.
4. Oscail **an fhuinneog** sin. Dún **an doras** thall.
5. Bhí na hoibrithe **ag ithe dinnéir** nuair a tháinig an cigire.
6. Bhí aimsir bhreá againn ar feadh **na seachtaine**.
7. Tá **sí ina huachtarán ar an gcumann**.
8. Tá **bord beag** acu sa seomra ach tá **leaba mhór** acu.
9. Tá páistí againn, níl aon pháistí **acu**.
10. **Bhrisfinn** an cleamhnas eadrainn mura mbeinn sásta.

## **Eimear Ní Chonaola**

Baill ó Dhia oraibh. Deir Bord Iascaigh Réigiúnach an Iarthair go bhfuil tuilleadh le déanamh ag Comhairle Contae na Gaillimhe lena chinntiú nach dtarlódh truilliú in abhainn an Chláirín in Oirthear an Chontae. Tá fineáil de ocht gcéad euro agus breis is ocht míle euro de chostais gearrtha ar an gComhairle Contae, as an Acht Iascaigh a shárú i 2006. Tá mórsceál ag ár gcomhfhreagraí rialtais áitiúil, Rónán Mac An Iomaire

## **Rónán Mac An Iomaire**

Is abhainn thábhachtach iascaireachta í abhainn an Chláirín, abhainn a chothaíonn bradáin, bric rua, agus eascanna<sup>1</sup> i measc iasc eile. Ach ar an séú lá fichid de mhí Iúil 2006, d'fhág sceitheadh ó phlanda cóireála<sup>2</sup> séarachais Chomhairle Contae na Gaillimhe anseo i mBaile Átha an Rí gur rinneadh dochar suntasach don abhainn ó thaobh na hiascaireachta de. I gCúirt Dúiche na hInse inniu fritheadh ciontach Comhairle Contae na Gaillimhe as an acht Iascaigh a shárú. Cé gur éisteadh<sup>3</sup> cuid den chás seo i 2007, ní raibh an breitheamh Aonghus Mac Cárthaigh ag iarraidh breithiúnas a thabhairt go bhfeicfí cén obair chóireála a bheadh déanta ag Comhairle Contae na Gaillimhe ar an bplanda séarachais. Deir abhcóide thar cheann na Comhairle Contae go bhfuil breis agus milliún euro anois caite i bhfeabhsúcháin ar an bplanda cóireála. Ghearr breitheamh Mac Cárthaigh fineáil ocht gcéad euro ar an gComhairle Contae chomh maith le breis agus cúig mhíle euro i gcostais teicniúla agus trí mhíle dhá chéad euro i gcostais dlí. Deir príomhfheidhmeannach an Bhord Iascaigh an Dr. Greg Forde, go raibh tuilleadh le déanamh ag Comhairle Contae na Gaillimhe chun a chinntiú nach dtarlódh a leithéid de thruilliú arís, go háirithe a deir sé, nuair a bhíonn abhainn an Chláirín ag leibhéal íseal.

Rónán Mac An Iomaire, Nuacht TG4, i mBaile Átha an Rí.

---

<sup>1</sup> Eascainn a deirtear

<sup>2</sup> B'fhéarr Ionad cóireála a úsáid anseo

<sup>3</sup> Éistíodh a deirtear